

四川巡撫革職留任戴罪効力臣年羹堯謹奏
為勉竭愚忱以盡臣職以報
聖恩事竊臣於本年八月二十二日接到家人嚴泰

清代名人奏折書系

年羹堯

牛貫杰 主編
鄧玉娜 編著

大象出版社

清代名人奏折书系

年羹尧

牛贯杰 主编
李 强 编著

图书在版编目(CIP)数据

年羹尧/李强编. —郑州:大象出版社, 2010.6

(清代名人奏折书系/牛贯杰主编)

ISBN 978-7-5347-5067-0

I. 年… II. 李… III. ①年羹尧—奏议—汇编②年羹尧—生平事迹 IV. K249.206.5 k827=49

中国版本图书馆 CIP 数据核字(2010)第 050188 号

责任编辑 杨吉哲

责任校对 李接力

装帧设计 张帆

出版发行 大象出版社(郑州市经七路 25 号 邮政编码 450002)

网 址 www.daxiang.cn

印 刷 郑州新海岸电脑彩色制印有限公司

版 次 2010 年 6 月第 1 版 2010 年 6 月第 1 次印刷

开 本 787×1092 1/16

印 张 5.5

定 价 18.80 元

若发现印、装质量问题,影响阅读,请与承印厂联系调换。

印厂地址 郑州市文化路 56 号金国商厦七楼

邮政编码 450002

电话 (0371) 63944233

目
录

年羹尧其人其事

奏为川省除贪虐革积弊敬陈
管见事（原件影印）

/一

奏为川省除贪虐革积弊敬陈
管见事（文）

/三三

年羹尧其人其事

/四一

奏折内外

/五七

奏为川省除贪虐革积弊敬陈管见事（原件影印）

奏

(原件尺寸：通高二十二厘米，每面宽十厘米)

四川巡撫革職留任戴罪効力臣年羹堯謹奏
為勉竭愚忱以盡臣職以報

聖恩事竊臣於本年八月二十二日接到家人嚴泰

捧回摺子至署恭設香案九叩開讀

聖旨朕起居飲食早已全安了爾欲陞見所奏數條
用摺奏聞不必請陞見罷臣伏讀之下得知

聖躬全安不勝懽忭臣奏摺內有新穀初登之穀字

訛寫谷字蒙

御筆硃點使臣知覺臣固有草率之罪而因此益見
聖主精神完足無微不至臣更不禁雀躍至臣所欲
奏者實因我

皇上御極五十年來神明獨運普天受福臣於此時
理宜安靜無事不應更有條陳獨是四川情形
較之各省確有不同兵燹之後一切事宜槩從

簡畧今生齒日已繁衍田土日已開闢而經制未復賦稅未增協餉未免積貯未脩商賈尚未輻輳獄訟尚未減少籌畫之道所宜急講臣自受

恩撫蜀以來未敢一日偷安凡臣職分以外之事臣不敢言職分以內之事臣不敢隱惟有隨地求才因時設法就川言川以圖仰報萬一但臣自

建昌歸後飲食日減胸膈發脹漸於水土不安
恐不能久留川省因此凡有見聞所及思慮所
到苟有利於地方者晝夜不去於懷故求面奏
以盡委曲今既奉

聖批令臣具摺敢不披瀝愚衷按款奏

聞祇是臣才疎識淺語不宣心其應否之處伏乞
聖訓指示愚迷以便具本逐件分晰題請所有事件

御批

謹條列於後每條空紙數行仰候

一有司之宜勸懲也任土作貢糧隨田起普天之下莫不皆然四川錢糧原額不下二百萬兩今通省田地開至十分之五六而錢糧不及原額十分之一隱漏已屬不可而有田無糧強占弱謀是以川省命案因田起釁者十之八九此

風尤不可長臣於

陞辭時跪聆

天語軫念川民首言及此已洞照萬里之外矣臣自
到任後漸次曉諭宣布

聖主福德今年自首錢糧幾及三萬兩現在造冊蓋
私派行而官為民制不得不聽其隱漏私派草
而官借首糧之名需索民錢以致首報無多其

罪不盡在於百姓故一二上司日為催查不若
州縣之人人自為鼓勵也臣請以康熙五十年
為始至康熙五十四年此五年之內州縣果能
使民不擾勸民首糧至原額之五分四分者不
論俸滿即陞至原額之三分二分者准以邊俸
論陞若不及十分之一者即以才力不及降調
若無毫釐增報者照罷軟例革職人固有才有

不才而功名得失之心則無有不同州縣清廉
首報必多州縣不肖隱漏必多一勸一懲不勞
而辦若錢糧已足原額無可加增之州縣與田
地開墾未多之州縣不在勸懲之例統容臣於
具題時詳悉開載一冊送部按年查核至本年
勸民首糧如蓬溪縣知縣徐纘功才守兼優委
署遂寧樂至兩縣印務勸民首糧報墾共增銀

八千餘兩立法之始必先鼓勵伏乞

皇上准臣題請以蓬溪縣知縣徐纘功遇應陞之缺
即用以示獎賞臣因錢糧起見仰邀

聖恩即以國家之賞罰勸懲四川之官吏如此而錢
糧不增協餉不免爭訟不少減官吏不知勸是
臣上負

聖主下甘罪愆矣

談具題

一積貯之宜預脩也查川省偏在西陲四面環
山舟車不能處處皆通連年大有運販米穀出
川者不可數計是吳楚歉收資食川米川省歉
收吳楚之米斷不能逆流而上且各營兵米例
給折色若遇水旱無處可買邊防要務此為第

一臣愚以為成都府應貯米八萬石松潘建昌
兩鎮各貯米一萬石叙州府接壤烏蒙鎮雄為
黔省要路應貯米一萬石雅州為建昌打箭爐
咽喉應貯米一萬石重慶一府上接川北下連
夔郡應貯米三萬石以備需用第川省每歲兵
餉尚賴協濟應否開捐貢監之例以實邊儲查
本省常平倉捐監者寥寥無幾數年尚未足額